

**XUNTA DE GALICIA**CONSELLERÍA DO MAR
Dirección Xeral de Pesca,
Acuicultura e Innovación TecnolóxicaEdifícios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

RESOLUCIÓN DO 20 DE DECEMBRO DE 2017 POLA QUE SE AUTORIZA O PLAN DE PESCA DE PATEXO (*POLYBIUS HENSLOWII*), PATULATE (*LIOCARCINUS DEPURATOR*) E CONGUITO (*LIOCARCINUS CORRUGATUS*), PARA O ANO 2018, DA COMUNIDADE AUTÓNOMA DE GALICIA.

Feitos:

Anualmente estanse a autorizar plans de pesca de patexo, patulate e conguito con fins non comerciais, para seren usados como engado na pesca coas artes de anzol.

Estes plans elabóranse para distintos portos e neles participan embarcacións con artes de liña ou cordel, palangrillo e/ou palangre de fondo. Cómpre pois, de cara a unha xestión máis áxil, elaborar un plan único para toda a frota que faena con estas artes.

Recíbese informe técnico sobre o seguimento do plan de patexo, así como recomendacións para o próximo plan de pesca.

Fundamentos técnicos e xurídicos:

Dentro do Capítulo IV, sección primeira, do Decreto 15/2011, do 28 de xaneiro, polo que se regulan as artes, aparellos, útiles, equipamentos e técnicas permitidos para a extracción profesional dos recursos mariños vivos en augas de competencia da Comunidade Autónoma de Galicia, veñen reguladas as artes de nasa para nécora e camarón (subsección primeira, artigos 126, 127, 128 e 129) e a de nasa para polbo (subsección cuarta, artigos 138, 139, 140 e 141).

Por outra banda, a disposición adicional primeira do devandito Decreto establece o seguinte: *“Autorízanse ás embarcacións que dispoñan no seu permiso de explotación de aparellos de anzol, simultanear o uso destes co emprego de nasas para patexo (*Polybius henslowii*) e nécora francesa ou conguito (*Liocarcinus corrugatus*) e cercos para bolo, co fin de capturar o engado vivo.”*

Os informes técnicos conclúen que non se atopa inconveniente biolóxico, sempre que o patexo, o patulate ou o conguito se utilicen no abastecemento das

**XUNTA DE GALICIA**CONSELLERÍA DO MAR
Dirección Xeral de Pesca,
Acuicultura e Innovación TecnolóxicaEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

embarcacións na procura de engado vivo para pescar outras especies, e non se utilicen con fins comerciais, e devolver ao mar as especies comerciais, doutras especies que de forma incidental ou fortuíta atópanse dentro das nasas.

Tendo en conta o anterior,

RESOLVO:

Aprobar o plan de pesca de *patexo*, *patulate* e *conguito* para o ano 2018, para as embarcacións da Comunidade Autónoma de Galicia, nos seguintes termos e condicións:

1º.- Ámbito: O ámbito de aplicación deste plan serán as augas competencia da Comunidade Autónoma de Galicia e para as embarcacións con artes menores que teñan porto base nesta Comunidade.

2º.- Participantes: Unicamente participarán no plan as embarcacións que teñan autorizado faenar coas artes de *liña ou cordel ou palangrillo* no seu permiso de explotación e *palangre de fondo* na súa licenza de pesca marítima ou no seu permiso de explotación. Tamén poderán participar aquelas embarcacións que teñan autorizado un *cambio temporal* para algunha das mencionadas modalidades de aparellos ou artes, sempre e cando soliciten expresamente a súa inclusión ao presente plan.

3º.-Arte: A arte a usar será a *nasa para nécora e camarón*, nas condicións establecidas nos artigos 126 a 129 segundo o Decreto 15/2011, do 28 de xaneiro. O número máximo de nasas por embarcación será de dez no caso de *liña ou cordel*, de vinte no caso do *palangrillo* e de corenta no caso do *palangre de fondo*.

As nasas de nécora e camarón deberán ser levantadas e levadas a porto diariamente, unha vez cumprido o horario de traballo.

4º.- Especies: As especies obxecto da captura serán o *patexo* (*Polybius henslowii*), o *patulate* (*Liocarcinus depurator*) e o *conguito* (*Liocarcinus corrugatus*) con fins non comerciais para o seu uso como engado, quedando

**XUNTA DE GALICIA**CONSELLERÍA DO MAR
Dirección Xeral de Pesca,
Acuicultura e Innovación TecnolóxicaEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

expresamente prohibida a captura de calquera outra especie mariña. Os individuos que non sexan obxecto desta autorización deberán ser devoltos ao mar inmediatamente.

5º.- Época autorizada: A época autorizada abranguerá, con carácter xeral, dende o día 1 de xaneiro de 2018 ata o 31 de decembro de 2018, sen prexuízo das datas de inicio solicitadas polas respectivas confrarías ou entidades asociativas do sector.

6º.- Punto de control: O punto de control será a zona de pesca.

7º.- Control e seguimento da actividade pesqueira.-

A) Despachos telemáticos: As embarcacións que faenen acolléndose ao Plan, deberán despachar no apartado de adhesión a plan de explotación: ["LIÑA OU CORDEL (02A); PALANGRILLO (14A); PALANGRE DE FONDO (03A) PLAN PATEXO, PATULATE E CONGUITO 2018 (C.A. GALICIA)"], segundo corresponda.

Tendo en conta o disposto na disposición adicional primeira do citado Decreto 15/2011, do 28 de xaneiro, autorízase simultanear o uso destas artes co emprego de nasas co fin de capturar o engado vivo.

Por outra banda, advírtese que, ao remate da vixencia deste plan, se non se realiza un novo rexistro de actividade pesqueira a embarcación pasará á situación de "*pendente rexistro actividade*".

B) Remisión de datos de capturas: Con periodicidade **mensual** a confraría deberá remitir datos de extracción do *patexo*, *patulate* ou *conguito*, utilizando como modelo o que como **anexo** se acompaña, ao Servizo de Pesca da Dirección Xeral de Pesca, Acuicultura e Innovación Tecnolóxica, vía fax (981544740) ou correo electrónico á dirección serviciopesca@xunta.es.

C) Mostraxes: Durante o período de vixencia do plan, técnicos da Consellería poderán realizar en calquera das embarcacións participantes, mostraxes para control, seguimento e avaliación do plan; os armadores deben colaborar de tal xeito que se permita acadar os obxectivos propostos. **A falta de colaboración neste eido ocasionará a baixa definitiva do plan.**

**XUNTA DE GALICIA**CONSELLERÍA DO MAR
Dirección Xeral de Pesca,
Acuicultura e Innovación TecnolóxicaEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

9º.- Extracción e comercialización: O exercicio da actividade extractiva e comercial establecida neste plan está sometida ao estrito cumprimento da normativa vixente en materia de extracción e comercialización de produtos da pesca fresca.

10º.- Infraccións e sancións: O incumprimento das condicións establecidas neste plan, poderá ser sancionado segundo o establecido na Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro.

Contra esta resolución, que esgota a vía administrativa, poderá interpoñerse recurso de reposición no prazo de un mes, contado dende o día seguinte ao da súa notificación, ante a conselleira do Mar, de conformidade co disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas.

Santiago de Compostela, 20 de decembro de 2017

A conselleira

Rosa Mª Quintana Carballo

